

Na osnovu člana 12. stav (2) Zakona o ublažavanju negativnih ekonomskih posljedica („Službene novine Federacije BiH“, broj: 28/20), člana 3. Odluke o prenamjeni sredstava broj: 01-11-1625/20 od 15.05.2020. godine, a u skladu sa Zaključkom o prestrukturiranju rashoda broj: 01-11-1626/20 od 15.05.2020.godine i člana 142. stav (1) Statuta Grada Bihaća („Službeni glasnik Grada Bihaća“, broj: 13/15 i 13/18), Gradonačelnik Grada Bihaća, donio je:

**PRAVILNIK**  
**O KRITERIJIMA, NAČINU I POSTUPKU RASPODJELE SREDSTAVA GRADA BIHAĆA NAMIJENJENIH ZA SUBVENCIONIRANJE NAKNADA POSLOVNIM SUBJEKTIMA GRADA BIHAĆA U CILJU SANACIJE NEGATIVNIH EKONOMSKIH POSLJEDICA STANJA NESREĆE UZROKOVANIH PANDEMIJOM KORONAVIRUSA (COVID-19)**

**Član 1.**

**(Uvod)**

U uvjetima proglašene epidemije bolesti COVID-19, uzrokovane koronavirusom, te nastupanjem posebnih okolnosti na području Grada Bihaća koje se nisu mogle predvidjeti i na koje se nije moglo utjecati, a koje su uzrok narušavanja privredne aktivnosti na području Grada, donošenjem Zakona o ublažavanju negativnih ekonomskih posljedica, a u skladu sa Odlukom Gradonačelnika o prenamjeni sredstava broj: 01-11-1625/20 od 15.05.2020. godine, Grad Bihać je izdvojio sredstva na poseban namjenski podračun, u cilju sanacije negativnih ekonomskih posljedica na području Grada Bihaća.

**Član 2.**

**(Predmet)**

(1) Ovim Pravilnikom utvrđuju se korisnici prava na subvencije, kriteriji, način i postupak raspodjele sredstava Grada Bihaća u svrhu subvencioniranja plaćanja:

- naknade za privremeno korištenje javnih površina,
- zakupa poslovnih prostora u vlasništvu i pod upravom Grada Bihaća, kao i poslovnih prostora kojima upravlja JU „Kulturni centar“ Bihać i JU za sport, odmor i rekreaciju Bihać,

- komunalne naknade i
- komunalnih usluga (odvoz komunalnog otpada i snadbijevanje pitkom vodom).

(2) Za ove namjene će se koristiti sredstva Grada Bihaća raspoređena Zaključkom o prestrukturiranju rashoda broj: 01-11-1626/20 od 15.05.2020. godine na razdjel Službe za lokalno ekonomski razvoj-ekonomski kod-614429 – subvencije za saniranje zdravstvenih, socijalnih i ekonomskih posljedica stanja nesreće.

### **Član 3.**

#### **(Korisnici subvencija)**

Pod korisnicima subvencija u smislu ovog Pravilnika se smatraju sljedeći poslovni subjekti:

- pravna lica, odnosno privredna društva, izuzev javnih preduzeća, banaka i drugih finansijskih organizacija, subjekata registrovanih za priređivanje igara na sreću, udruženja, javnih institucija, organa uprave,
- fizička lica koja samostalno obavljaju registrovanu poslovnu djelatnost i koja su registrovana za obavljanje osnovne djelatnosti, izuzev onih koji u skladu sa propisima o porezu na dohodak, porez na dohodak s tog osnova plaćaju prema paušalno utvrđenom iznosu.

### **Član 4.**

#### **(Subvencija naknade za privremeno korištenje javnih površina)**

Pravo na subvenciju naknade za privremeno korištenje javnih površina na području Grada Bihaća, utvrđene rješenjem Službe za komunalne djelatnosti, vode, zaštitu okoliša i komunalnu inspekciju, ostvaruju svi poslovni subjekti iz člana 3. ovog Pravilnika u 100% iznosu, za period od 01.03.2020. godine do 30.06.2020.godine.

### **Član 5.**

#### **(Subvencija zakupnine poslovnih prostora)**

(1) Pravo na subvenciju zakupnine poslovnih prostora utvrđene po osnovu ugovora o zakupu zaključenog između Grada Bihaća i zakupaca, putem Službe za imovinsko-pravne, geodetske i katastarske poslove, ostvaruju svi poslovni subjekti iz člana 3. ovog Pravilnika u 100% iznosu, za period od 01.03.2020. godine do 30.06.2020. godine.

(2) Pravo na subvenciju zakupnine poslovnih prostora utvrđene po osnovu ugovora o zakupu zaključenog između JU „Kulturni centar“ Bihać i zakupca, ostvaruju svi poslovni subjekti iz člana 3.ovog Pravilnika u 100% iznosu, za period od 01.03.2020. godine do 30.6.2020. godine.

(3) Pravo na subvenciju zakupnine poslovnih prostora utvrđene po osnovu ugovora o zakupu zaključenog između JU za sport, odmor i rekreaciju Bihać i zakupaca, ostvaruju svi poslovni subjekti iz člana 3. ovog Pravilnika u 100% iznosu za period od 01.03.2020. godine do 30.06.2020. godine.

## **Član 6.**

### **(Subvencija komunalne naknade)**

Pravo na subvenciju komunalne naknade utvrđene rješenjem JU „Zavod za prostorno uređenje“ Bihać za 2020. godinu, ostvaruju svi poslovni subjekti iz člana 3. ovog Pravilnika u 100% iznosu.

## **Član 7.**

### **(Subvencije komunalnih usluga)**

(1) Pravo na subvenciju troškova komunalnih usluga odvoza komunalnog otpada i snabdijevanja pitkom vodom ostvaruju u 100% iznosu poslovni subjekti iz člana 3. ovog Pravilnika kojima je naredbama Federalnog štaba civilne zaštite broj: 12-40-6-148-11/20 od 17.03.2020.godine, broj: 12-40-6-148-12/20 od 17.03.2020.godine, broj: 12-40-6-148-26/20 od 19.03.2020. godine i broj: 12-40-6-148-27/20 od 19.03.2020.godine, zabranjen ili obustavljen rad zbog proglašenja stanja nesreće.

(2) Pravo na subvenciju troškova komunalnih usluga:

- odvoza komunalnog otpada ostvaruje se na osnovu ispostavljenih faktura za odvoz komunalnog otpada za period od 01.03.2020. godine do 30.06.2020.godine,
- snabdijevanja pitkom vodom ostvaruje se na osnovu ispostavljenih faktura stvarno očitano stanja utroška vode za period od 01.03.2020. godine do 30.06.2020.godine.

## **Član 8.**

### **(Postupak ostvarivanja prava)**

(1) Postupak za ostvarivanje prava za subvencioniranje naknada iz člana 2. stav (1) ovog Pravilnika provest će Služba za lokalno ekonomski razvoj Grada Bihaća.

(2) Za ostvarivanje prava na subvencije iz člana 4. ovog Pravilnika, Služba za komunalne djelatnosti, vode, zaštitu okoliša i komunalnu inspekciju, dostavit će Službi za lokalno ekonomski razvoj listu korisnika subvencija, utvrđenu na osnovu podataka iz službene evidencije.

(3) Za ostvarivanje prava na subvencije iz člana 5. ovog Pravilnika, Služba za imovinsko pravne, geodetske i katastarske poslove, JU „Kulturni centar“ Bihać i JU za sport, odmor i rekreaciju Bihać, svako iz svoje nadležnosti, dostavit će Službi za lokalno ekonomski razvoj listu korisnika subvencija, utvrđenu na osnovu podataka iz službene evidencije .

(4) Za ostvarivanje prava na subvencije iz člana 6. ovog Pravilnika, JU „Zavod za prostorno uređenje“ Bihać, dostavit će Službi za lokalno ekonomski razvoj listu korisnika subvencija, utvrđenu na osnovu podataka iz službene evidencije.

(5) Za ostvarivanje prava na subvencije iz člana 7. ovog Pravilnika, JKP „Komrad“ doo Bihać i JP „Vodovod“ doo Bihać, dostavit će Službi za lokalno ekonomski razvoj listu korisnika subvencija, utvrđenu na osnovu ispostavljenih faktura za odvoz komunalnog otpada i snabdijevanje pitkom vodom.

## **Član 9.**

### **(Lista korisnika i rok dostave)**

(1) Liste korisnika subvencija iz člana 8. ovog Pravilnika treba da sadrže naziv poslovnog subjekta i iznos naknade koji će subvencionirati Grad Bihać, pojedinačno za svakog poslovnog subjekta.

(2) Liste iz stava (1) ovog člana dostavljaju se Službi za lokalno ekonomski razvoj u sljedećim rokovima:

- za subvencioniranje naknada iz člana 4., 5. i 6. ovog Pravilnika u roku od pet (5) dana od dana stupanja na snagu ovog Pravilnika,

- za subvencioniranje naknada iz člana 7. ovog Pravilnika za ispostavljene fakture za 3. i 4. mjesec 2020. godine u roku od pet (5) dana od dana stupanja na snagu ovog Pravilnika, a za ispostavljene fakture za 5. i 6. mjesec 2020. godine do 10.07.2020. godine.

## **Član 10.**

### **(Zaključak o prenosu sredstava)**

Služba za lokalno ekonomski razvoj će na osnovu dostavljenih lista korisnika subvencija izraditi zaključke o prenosu sredstava u ukupnom (zбирnom) iznosu za svaku pojedinačnu subvenciju.

## **Član 11.**

### **( Uplaćena sredstva po osnovu subvencioniranih naknada)**

Uplata naknada iz članova 4., 5., 6. i 7. ovog Pravilnika koju su poslovni subjekti izvršili prije donošenja ovog Pravilnika, a za period koji će subvencionirati Grad Bihać, evidentirat će se kao pretplata.

## **Član 12.**

### **(Nadležnost za provođenje)**

Za provođenje ovog Pravilnika zadužuju se: Služba za komunalne djelatnosti, vode, zaštitu okoliša i komunalnu inspekciju, Služba za imovinsko-pravne, geodetske i katastarske poslove, Služba za lokalno ekonomski razvoj i Služba za finansije, JU „Zavod za prostorno uređenje“ Bihać, JU „Kulturni centar“ Bihać, JU za sport, odmor i rekreaciju Bihać, JKP „Komrad“ doo Bihać i JP „Vodovod“ Bihać, svako u okviru svoje nadležnosti.

## **Član 13.**

### **(Stupanje na snagu)**

Ovaj Pravilnik stupa na snagu danom donošenja, a objavit će se u Službenom glasniku Grada Bihaća.

Broj: 01-11-1812/20  
Bihać, 28.05.2020. godine

Gradonačelnik  
Šuhret Fazlić